



KEMENTERIAN WILAYAH PERSEKUTUAN

Blok 2, Menara Seri Wilayah, Presint 2, 62100 Putrajaya
Tel: 03-8889 7888 Faks: 03-8889 7957
Laman web: www.kwp.gov.my

SIARAN MEDIA

UNTUK LIPUTAN MEDIA MASSA

MAJLIS KHATAM AL-QURAN DAN SAMBUTAN MAULIDUR RASUL IMARAHKAN SAMBUTAN HARI WILAYAH PERSEKUTUAN

PUTRAJAYA, 4 Februari – Seramai 2,000 orang mengimarahkan Majlis Khatam Al-Quran dan Sambutan Maulidur Rasul di Masjid Putra, Putrajaya anjuran Kementerian Wilayah Persekutuan (KWP) dengan kerjasama Amanah Al Wariseen dan Darul Jailani International hari ini. YB Datuk Seri Utama Tengku Adnan bin Tengku Mansor, Menteri Wilayah Persekutuan turut bersama-sama 800 pelajar sekolah tahfiz Al Wariseen, perwakilan penduduk, ahli Puspanita dan wakil komuniti dari setiap parlimen di Wilayah Persekutuan membaca 30 juzuk al-quran secara berkumpulan.

Ini adalah penganjuran kali kedua oleh KWP yang diadakan sempena sambutan Hari Wilayah Persekutuan. Objektif penganjuran program ini adalah untuk membentuk perpaduan dan kesatuan dalam ummah khususnya dalam kalangan warga Wilayah Persekutuan selain memupuk minat membaca al-quran kepada pelbagai lapisan umur.

Sambutan Maulidur Rasul turut diadakan dengan pengisian ceramah daripada tokoh-tokoh agama terkenal dunia seperti Al-Sheikh Al-Sayyid Afeefuddin Al-Jailani dan Datuk Dr. Zulkifli bin Mohamad Al Bakri, Mufti Wilayah Persekutuan, Al-Habib Ali Zaenal Abidin AlHamid, Al-Habib Umar

bin Hamid Al-Jailani dari Mekah, Al-Sheikh Dr. Mohamed Ibrahim Abdul Baith dari Eygpt dan ramai lagi.

KWP berharap agar penganjuran program kerohanian seperti ini dapat mengurangkan masalah sosial di Wilayah Persekutuan dan seterusnya mengukuhkan semangat infak dan jariah dalam kalangan rakyat serta mengamalkan nilai-nilai murni bertepatan dengan tema sambutan Hari Wilayah Persekutuan “Wilayah Ceria Rakyat Sejahtera”.

Disediakan oleh:

Bahagian Komunikasi Korporat

Kementerian Wilayah Persekutuan

4 Februari 2017

WP Putrajaya